

Newspaper

Berita Harian

Date

29 February 2016

# Konsep 'Sejiwa Senada' kukuh Persekutuan, negeri

BH-29/2/2016

» Keakraban beri banyak implikasi positif terhadap prospek pembangunan

Oleh Hardi Effendi Yaacob dan Khalid Latip  
bhnews@bh.com.my

► Saratok

**K**onsep 'Sejiwa Senada' perlu diterjemahkan sebagai asas pengukuhan hubungan baik yang terjalin antara Kerajaan Persekutuan dan negeri, kata Datuk Seri Najib Razak.

Perdana Menteri berkata, keakraban kedua-dua entiti itu membawa banyak implikasi positif terhadap prospek pembangunan negeri ini, termasuk dalam konteks ekonomi yang tentunya memberi banyak manfaat kepada rakyat.

Malah, beliau menjelaskan bukti hubungan baik itu jelas terserlah melalui proses perundingan dilaksanakan sebelum ini membabitkan penurunan lebih banyak kuasa pentadbiran kepada kerajaan Sarawak.

"Kerajaan Persekutuan sentiasa mencari pendekatan terbaik, termasuk melalui proses perundingan (empowerment) dari semasa ke semasa yang

diyakini mampu membawa lebih banyak pembangunan dan kemakmuran kepada negeri ini, begitu juga rakyatnya yang berbilang kaum serta etnik.

"Ini bukan suatu perkara mustahil untuk dilakukan selagi kita berada dalam satu kelab iaitu Barisan Nasional (BN). Sebenarnya, banyak boleh kita lakukan apabila memiliki persamaan dan persefahaman yang baik," katanya.

Beliau berkata demikian ketika merasmikan Program Sejiwa Senada 2016 di Dataran Saratok, di sini semalam, yang juga sebahagian daripada program lawatan kerjanya ke negeri ini.

## Sokong 'Pasukan Adenan'

Yang turut hadir Ketua Menteri, Tan Sri Adenan Satem dan isterinya, Puan Sri Jamiyah Anu; Menteri Perusahaan Perladangan dan Komoditi, Datuk Amar Douglas Uggah Embas; Menteri Pembangunan Wanita, Keluarga dan Masyarakat, Datuk Seri Rohani Karim.

Najib yang juga Pengerusi BN Pusat turut meminta rakyat memberi sokongan penuh terhadap 'Pasukan Adenan' dalam pilihan raya negeri kali ini agar berupaya membentuk kerajaan negeri yang mampu menjamin kestabilan politik dan berunding dengan Kerajaan Persekutuan berhubung segala bentuk pembangunan diperlukan.

"Kita mesti ada semangat 'Ngap Sayot'.... semangat perjuangan. Kita harus memas-

**"Bukti hubungan baik itu jelas terserlah melalui proses perundingan dilaksanakan sebelum ini membabitkan penurunan lebih banyak kuasa pentadbiran kepada kerajaan Sarawak"**

**Najib Razak,**  
Perdana Menteri

tikan kemenangan besar 'Pasukan Adenan' dan BN Sarawak dalam Pilihan Raya Negeri Ke-11 (PRN11) yang semakin hampir.

"Ini adalah suara majoriti rakyat Sarawak.... mandat besar diberikan itu perlulah kita (Kerajaan Persekutuan) hormati, termasuk melaksanakan pembangunan yang diimpikan rakyat," katanya.

PRN11 dijangka diadakan dalam waktu terdekat, dengan tarikh penamaan calon dicadangkan pada 18 April ini, diikuti tarikh cadangan hari pengundian pada 30 April, susulan penggal Dewan Undangan Negeri (DUN) Sarawak berakhir, Jun ini.

"Dengan perolehan mandat lebih besar itu, BN Sarawak

bukan hanya kekal berkuasa, malah mengekalkan kedudukan kerajaan negeri dan Kerajaan Persekutuan di pihak yang sama, seterusnya memudahkan proses perundingan berkaitan," katanya.

Pada majlis yang sama, Najib turut diberikan kejutan oleh Jawatankuasa Penganjur Program Sejiwa Senada 2016 apabila diminta memotong kek, masing-masing bagi meraikan sambutan 40 tahun beliau terabit dalam politik, selain genap dua tahun Adenan mengambilliah kepemimpinan negeri.

## Puji kecekapan Adenan

Sementara itu, Najib memuji kecekapan rakan karibnya itu dalam mengendalikn pentadbiran negeri, termasuk melaksanakan pelbagai transformasi yang menyumbang kepada pembangunan negeri dan pertumbuhan sosioekonomi negeri.

"Hari ini genap dua tahun beliau (Adenan) menjadi Ketua Menteri. Tempoh dua tahun sangat singkat untuk beliau melaksanakannya untuk rakyat dan Sarawak. Berilah beliau lima tahun lagi untuk membawa lebih banyak pembangunan untuk negeri ini.

"Kita mengingatkan jika rakyat tersilap membuat pilihan pada PRN11 nanti, segala apa sedang dirundingkan oleh kerajaan negeri dan Kerajaan Persekutuan, terutama yang menyentuh mengenai penurunan kuasa pasti menemui jalan sukar," katanya.